



Inatsisartuni ilaasortaq Debora Kleist, Inuit Ataqaatigiit
/maani

**Kiffartuussinissamut isumaqatigiissutit pillugit § 37 naapertorlugu
apeqquteqaammut nr. 2017-223-mut akissut**

12-10-2017
Sags nr.: 2017 - 21692
Dok. nr. 24057801

Asasara Debora Kleist

Aallarniutigalugu kiffartuussinissamut isumaqatigiissutit pillugit apeqqutinnut, Inatsisartut suleriaasianni § 37 naapertorlugu, 27. septembari 2017 nassiussannut qjanaq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqquut 1.

Ullumikkumut Kujataani angallanermik killiffiusoq qanoq Naalakkersuisunit nalilerneqarpa?

Akissut: Kalaallit Nunaata kujataani angallasseriaatsimik marlunnik periarfissalimmi, umiarsuakkut assartuussinermik akikinnerusumik periarfissaqartitsiviusumik atuutsitsilernerup sunniutaanut takussutissaagallartut takutippaat, angallasseriaaseq nunap immikkoortuani angalasut amerlanerulernerinik kinguneqartoq. 2017-imi qaammatini arfinilinni siullerni Kalaallit Nunaata kujataani angalasunit 19.750-iusunit 12.269-it imaatigut angallanneqarnissamik periarfissamik atuisimapput. Kalaallit Nunaata kujataani imaatigut angallassinerup assartuinnermut ilanngunneqarnera ilaasut amerleriarnerannik kinguneqarpoq, tamannalu pitsaasuuneranik takutitsivoq.

2015-imi Kalaallit Nunaata kujataani ilaasimasut katillugit 30.135-iupput. 2017-ip naanerani assersuussinerup amerleriaatsit ukiumut tamarmut atuunnersut takutikkumaarpaat, qaammatini arfinilinni siullerni piffissap qanoq ilinerani angalasartut amerlassutsimikkut allanngorartarnerat eqqarsaatigineqanngimmat.

2017-ip aallaartinnerani ukiuunerata qaammatai taamaatiinnartitsisarnernit angalasussanillu nuussisarnernit sunnerneqarsimapput, taakkulu affaat sinnerlugit silamik peqquteqarsimapput. Tamatuma saniatigut sullissisut amerlanerusut atorlugit angallasseriaatsimi nutaami sullissisut angalasartullu sungiussiniarnissaat pisariaqarsimavoq. Suleqatigiinnermi tunngavissat nutaat atuutsilerneru maanna pitsaanerusumik ingerlalersutut naliliiffigineqarput.

Kiisalu ilisimatitsissutigisinnaavara, Naalakkersuisut kiffartuussinissamut isumaqatigiissutit naliliiffigineqarnerinik aallartitsisimmata, naliliinerullu piffissami qaninnermi naamassineqarnissaa naatsorsuutigineqarpoq. Taakku piareeripata, Inatsisartuni ataatsimiititalianut attuumassuteqartunut ilisimatitsissutitut tunniunneqassapput naliliinerlu tamanut ammasumik saqqummiunneqassalluni.

Apequt 2.

Innuttaasut ajornerusumik kiffartuunneqannginnissaannut anguniagaasoq ullumimut anguneqarsimanerpa? Taamaassimappat - taamaassimanngippalluunniit suut tunngaviuppat?

Akissut: Sullissinermut misigineqartunut sunniuteqarnerpaaq tassaavoq, silamik peqquteqarluni angalanissaraluit taamaatiinnarneqartarneri. Tamannalu ukiup 2017-ip aallartinnerani annertuumik misigisaqarfigingaatsiarparput.

2017-imi januaarimi aallarnisarnermi ajornartorsiutit peqquataallutik sullissisut anguniakkanik isumaqatigiissutaasunik angusaqarniapiloorput – pingaartumik piffinni angallavusuni annertunerpaanik allannguiffiusuni.

Ajornartorsiutit tassaasimapput, suleriaatsit suleqatigiiffiusullu nutaat atorneqalernerisa, kiisalu silamik peqquteqartumik annertuumik unammillernartut ataatsikkoornerannik.

Sullissisut akornanni suleqatigiinneq ingerlaavartumik suleqatigiilluarfiusimammat tamassuma kingunerisaanik ingerlaavartumik pitsanngoriartortitsisimasoq naliliisoqarpoq. Innuttaasut kommunillu ingerlaavartumik oqaloqatigineqarnerat Naalackersuisoqarfiup sullissisunut tunngatillugu malitseqartitsisarnerannut naleqarluartunik isumassarsiorfiusimapput.

Aningaasaqarnermut sinaakkutissat iluanni ataavartumik pitsanngorsaatisanik suliaqartoqartuaannarpoq, tamannalu Naalackersuisunut annertuumik pingaaruteqarpoq.

Apequt 3.

Illoqarfiit akornanni, aammalu illoqarfiit nunaqarfiillu akornanni qulimiguulimmik imaluunniit imaatigut angallanermik akit naammagisimaarneqarnerlutik?

Akissut: Kiffartuussinissamut isumaqatigiissuteqarfiusuni bilitsinut akigititat Naalackersuisunit aamma Inatsisartuni Aningaasaqarnermut Akileraartarnermullu Ataatsimiititaliamit akuerineqarsimapput. Angallanermi suliaassat neqeroorutiginerisigut bilitsit akiisa kiffartuussinissamut isumaqatigiissutit pioreersut ataanni atuuttuusimasut qaffannginnissaat Naalackersuisunut pingaaruteqarsimavoq. Taamaasilluni bilitsit akii kiffartuussinissamut isumaqatigiissutaasimasunut naleqqiullutik allannguuteqanngillat akikinnerulersimallutilluunniit. Kalaallit Nunaata kujataani angallasseriaatsit marlunnik periarfissalik atorneqalerput, tassanilu ilaasussat umiarsuarmik assartorneqarnissamik akikinnerusumik atuinarlutik aalajangiisinnaapput, aammalu Qeqertarsuup Tunuani qulimiguulimmik angalanermi bilitsinut akit, siornamut sanilliullugu agguaqatigiissillugit 30%-imik akikinnerusut atuutsinneqalerput, taakkununga mittarfinnut akitsuutit ilaatinneqaratik. Taakku tunngavigalugit Naalackersuisut bilitsinut akit naammaginartutut isumaqarfigaat.

Apequt 4.

Sullissinermut killiffigisaq eqqarsaatigalugu qanoq annertutigisumik ilinniartoqarnermut/praktikkertarnermut qanoq sunniuteqarsimanersoq ilisimaneqarpa?

Akissut: Disko Line suliffimmi misiliillutik sulisunik sapinngisamik annertunerpaamik atuinissamik politikkeqartoq ingerlatseqatigiiffiup allaffeqarfinnut ilisimatitsissutigaa – tamanna umiarsuarni taamatullu allaffimmi suliaqarfinni atuuppoq. Tassalu inuussutissarsiornermik suliaqartut arlallit akuutinneqarnissaat siunnerfigineqarpoq.

Maannamut suliffimmi misiliilluni sulisoq ataasiinnaavoq, kisiannili amerlanerusut aallartinnissaat pilersaarutigineqarpoq kissaatigineqarlunilu.

Maannarpiaq Air Greenland aaqjissuussaannermi iluani katillugit 32-nik ilinniartoqarpoq, taakkulu suliassaqarfinnut ukununga imatut agguagaapput:

| | |
|--|----|
| Allaffimmiunngorniatut ilinniartut: | 8 |
| Timmisartuni mekanikeritut ilinniartut: | 11 |
| Nassiussalerinermut ilinniartut: | 1 |
| STI (terminalarbejderitut aamma kantineassistentitut ilinniartut): | 6 |
| Angallannermi assistentitut ilinniartut (check-in): | 6 |
| Katillugit: | 32 |

Air Greenlandip sullissivoq niuernermit tunngaveqartumik ingerlassiviusuni kiisalu kiffartuussinissamut isumaqatigiissutinik tunngaveqartumik ingerlassiviusuni, aammalu ilinniartut angallavinnut kiffartuussinissamut isumaqatigiissuteqarfiusunut toqqaannartumik attuumassuteqartut assigiinngissitaarnerat sukumiinerusumik nassuiaateqarfigineqarsinnaangilaq.

Apeqqu 5.

Imaatigut silaannakkullu assartuineq suli pitsaanerulernissaanut suut suliniutaappat?

Akissut: Kiffartuussinissamut isumaqatigiissutinut aningaasaqarnermut sinaakkutissat, Aningaasanut Inatsimmi kontomi pingaarnermi 72.20.05 Ilaasunik angallassinermut tapiissutit, aalajangersarneqartut suliniutinut naammassineqarsinnaasunut sinaakkutissanik aalajangersaaffiupput. Naalakkersuisut sullissisut ingerlaavartumik suleqatigalugit kiffartuussinerup sinaakkusiussat taakku iluanni ingerlaavartumik annertusaaffigaat pitsanngorsaaffigalugulu.

Tamatuma saniatigut Naalakkersuisut 2018-imut Aningaasanut Inatsisissatut Siunnersuummi kiffartuussinissamut isumaqatigiissuteqarfiusuni pitsanngorsaannissamut aningaasaliissutit 8 millionit koruuninik ilaneqarnissaannik siunnersuuteqarput. 2018-imut Aningaasanut Inatsisissatut Siunnersuummi, aningaasaliissutinut ilassuteqarfiususaa akuerineqassappat, aningaassaliissutinut ilassutissat kontomit pingaarnermi 20.11.70 Suliniutinut nutaanut sillimmatit, kontomut pingaarnermut 72.20.05 Ilaasunik angallassinermut tapiissutit, nuunneqassapput.

Kiisalu Naalakkersuisut siunissamut ungasinnerusumut isigisumik angallannermi pissutsinut pitsannguutissanik suliaqarput. Tamatumani pingaartumik nunap immikkoortuini mittarfinnik sanaartornissamut pilersaarutit pineqarput, taamaalilluni qulimiguulimmik angallassinermi akisunerit timmisartunik sulusalinnik timmisartuussinernik taarserneqarsinnaalissammata. Tamanna piffinni ornitassanit taakkunanga nunatta karsianiit tapiissutinik pisariaqartitsisarneq ilorraap tungaanut sunniuteqarfigissavaa.

Neriuppunga qulaani allaqqasuni apeqquutit akineqartut.

Inussiarnersumik inuulluaqqusillunga

Erik Jensen